

pärrast et ristikhain om kessa eest pääl olnu, ei sa rügga tõisest rõast allamb ollema. Sel wiisil jääp sul wanna harrinenu põllopidamise kõrd kätte, ent surembat hääd sa temmast joht ei sa näggema. Hainu saap sul weidemb ollema nink seemne kaswatamise tarbis peat sa pälegi weel rõanurme weert kullutama, sest et sest hainast, mes tõugnurme päle tetti, sement ei sa, kunna ristikhaina kõrs rõa tarbis älla peap künnetama, enne kui ristikhaina semen walmis saap.

Nüüd ollet, söbber, kiik kuulnu, mes sul wajja teda, kui tullulikul wiisil tahhat ristikhaina nurmen tetta. Mes meie sülle olleme oppetann, ei olle mitte üts wasine teedmata asji. Ei joht! Saksamaal om tallorahwas ristikhaina leggemise läbbi rikkas sanu, nink ja esji näet, et ka siin meie maal kigin paigun, kos sedda jo tük aiga targal wiisil prugitas, mõisa-asji parrembide kõrda lät, kui wanna põllopidamise wiega. Milles sinna sis es peas oppust wõtma, nink sedda asja promima, mes mitmale om õunes sanu? Sepärrast ärra wiibigo sedda käsüle wõtmas! Sel sammal talwel soetago hènnele kipskiwwe nink ristikhaina sement nink külwa kewwajal pole rõanurme orrase päle. Annay sis Jummal parrajat rõssist kewwajast ilmalest, sis saat jo eentullewal süggisel (1852) rõemuga haljast ristikhaina rõakõrre al näggema nink wõit lota, et se Jummal ande sul eddispäide ennamb ei lasse sedda hirmsat hädda tutta sada, mes sul sõda puduse läbbi seniajjani ni saggede om olnu. —

Kui se oppus luggejale tullus tulley, sis parrembat palka kalendriteggija omma waiwa eest ei himmusta. R. S.

Pärran künnelepäiwa ei tohhi talwisteed merre ülle ennamb uskuda.

Weebruari-kuu, kats nädalat pärran künnelepäiwa, 1835. ajastajal lät maisemaast suut woor Berno nink Willandi kaupmeeste kaubaga Saremale nink saije õige häste Skuresare lina. Säälnüüwa nemma omma kaupa rutto ärra nink rühkšwa taggasi minnema, et sulla ilm olli nink neil Saremaalt Muhhomale nink Muhhomaalt maisemale katskõrd olli ülle merre minnekit nink kewwajane ea merre pääl sel ajal ei tahha õige usutaw olla. Neid worimehhi olli Bernomaalt Sauga wällast 6 meest: Mihkel Jurgens, Mihkel Nätk, Maddis Martenson, Abram Sang, Jürri Tohver; Willandimaalt Wiratse wällast 6 meest: Jaan Baltser, Maddis Baltser, Märt Saas, Juhhan Leppik, Hans Hunt, Jaan Waar.

Uttésamaltõistümnel Weebruari lätšwa mehhe hobbestega tühjalt minnema nink saiwa tenno Jummalale! eddimätses weinast, mes Sarema nink Muhhoma wahhel om, häste ülle nink jõudšwa kespäiwa aigo Muhhoma Kuiwaste kõrzi, mes sure weina rännan om, nink walmistiwa henda säält rutto ka surest weinast ülleminnema, mes kümme wersta maad om maisema Bergli-mõisa. Kuiwaste kõrzi mees, Mihkel Stamminimmi, merre-tega suuwitsel nink talwitsel aol tuttaw mees, ke jo mitmale tekäijile omma targa nõwwoaga olli abbis olnu nink mõnnikõrd maisema-meest, kel julgusest pudus olli, merre päle saatnu nink ka maisema rännani tejuhhis nink seltsimehhes olnu, es tahha sekõrd ülle-merre-käiki kitta, et kümme tuislas nink ilm paks olli tuisust. Temma käst worimehhi kats tundi kõrzin aigo wita nink odata, aggo tuisst wast ülleläässe. Ent worimehhi olli kibbe rut, es wõtta kõrzi meest kuuldagi, palgasiwa 4 Muhhoma-meest hendale tejuhatajas nink lätšwa ärra. Mih-